

T5463 )  
~~5531~~ / 4272

5



CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
JAN 4 1934

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637

心言初集

第

冊

愚齋藏板

古愚心言

閩中莆田彭鵬無山自編

第三冊目次

傳

閩總督忠貞范先生傳 丁巳

甲寅死節閩分巡海道陳公傳 丁巳

甲寅侯邑殉難明府劉金谿傳 甲戌

甲寅殉難溫處觀察陳忠毅傳 乙亥

甲寅死節進士葉貞夫傳 己未

甲寅拒偽閩孝廉劉秋水傳 丁巳

甲寅死節廖雲山傳

張登封傳 乙亥

誌銘

先考妣合塋壙誌 壬戌

彭無山四十自撰墓誌 丙辰

彭無山庶子三河坏土誌 壬申

鳳凰山劉兄秋水偕鄭孺人合塋銘 辛未

祭文

合祭甲寅閩變死節七志烈公文 丁巳

望祭福建巡海道...公文 己未

遙祭王又典夫子文 辛未

祭劉增美夫子文 庚午

無山丙辰四十自祭文 丙辰

祭劉秋水誕日文 丙辰

祭張登封文 癸酉

代姚制臺祭平陽鎮朱公文 癸亥

祭于太封翁文 乙亥

祭尹翁文 己巳

遙哭餘姚徐子正菴文 乙亥

荒歲祭蝗文 丁卯

祭卽墨縣三民塚文 己巳

臨洵祭風伯文 己巳

祭張登封太翁文 丙子

序

鷺笑錄自序 甲子

無山二十五度錄劉序 丁巳

齧餘干日記自序 丁巳

朱雪厓捫膝偶咏序 丁巳

乙丑渡江草自序

自怡小題自序 癸酉

橫塘彭氏家譜序 壬申

拒僞歷案白語自序 癸酉

永嘉王又典先生草木心序 戊午

勞薪紀序 癸酉

書三房真墨序 甲戌

學士胡此菴先生文集序

乙亥

陳紫馭新稿序

甲戌

陳紫馭尚書稿序

甲戌

邵青門山人文集序

乙亥

絳州梁氏族譜序

甲戌

千指和尚語錄序

甲子

閩總督忠貞范先生傳

丁巳

木蘭

塔佛大學漢和  
圖書館珍藏印

忠貞先生諱承謨號觀公遼東瀋陽人開國元老范大

傅文程公佳公子也辛卯獲雋壬辰江南桐城程其相

先生分校詩二房

桐城諱芳朝  
丁亥榜眼

忠貞出程門以進士讀

書中秘年甚少忠孝自任宦情淡若引疾解任不一請

後以秘書院學士巡撫兩浙總制八閩皆特簡公感

知遇又念高祖大司馬公及太傅公為國股肱心膂

願忠思報會逆藩叛閩知公必死重公名必欲生致公

勸誘公不肯降拒偽罵賊拘囚幽室守者日夜護視不

得死公於幽室懷 御曆晨夕捧對逢

君親吉且與夫朔望諱辰強起乞守者扶掖荷械稽首祝  
坐臥不離漢節者此爲過之我師入閩抵劍津逆始歸  
命殺公以滅口

天子聞之嘉公節 贈廕易各行見風厲矣閩人祀公於  
烏石山敬公之忠抑以懷公之德也公督閩未數月耳  
澄清之志過化存神閩人之不終被者天也先撫浙入  
境微服間行東甌括蒼西水苕霅諸郡邑真知灼見不  
假耳目以是興革旌別皆時宜其請寬海禁聽內港採

捕請 蠲浙省荒旱積逋請武林城園屋免賦年饑粟  
生金死發公帑十萬兩遣官糴米豫楚立官市平價全  
活者不以數至今東西浙流風遺澤談者輒嘆息流涕  
謂公將蒞閩過西湖於孤山七賢祠題一絕云偶對羣  
賢意轉迷風流事業豈湖堤欲招處士孤山鶴跨向遼  
東華表栖寓意遠矣公遭難筮得蒙其繫幽暗跼蹐之  
地狀若谷自顏以蒙谷爲文以序之曰承謨蓬頭垢面  
摯頸攀手者將三歲乘未灰餘燼志梗槩於壁俾後日  
見者知謨遭時不幸云昔我



世祖章皇帝親政簡侍衛近臣念太傅公抒忠累朝謨以元  
勲子克選獨許在家誦讀凡扈蹕值宿遊獵巡行悉免  
從惟慶賀吉期隨班行禮是年辛卯 詔八旗從龍子  
弟一體鄉會試春秋兩闈得與聯幸科名叨選庶常告  
假奉親辭職無由每遇遷秩反越常次嗚呼

先皇帝之恩臣何以報也辛丑 龍馭上昇兄克總兵官於  
外謨以病請解任既 廷議撤援勦諸路兄旋師日偕  
侍太傅歡丙午七月望闈族少長集東臯較射飲酒賦  
詩屬對太傅公顧盼怡然命之曰吾家世受 國恩而

等速當補官爲 國盡瘁母以子老爲念八月二日太  
傅公卒戊申服闋補秘書院學士決志遂初勸叔昆仲  
皆謂而忘太傅公世受 國恩之教乎肝胆塗地無以  
酬甘自廢棄平日所談忠孝謂何謨聞之不敢行意初  
太傅公在日

皇帝冲齡未親政一日謨偕同官進 大內用寶

上詢曰爾爲誰氏子臣謨悉舉太傅始末奏

上曰爾爲若子耶如是者三後值 朝賀期太傅公入朝

上曰此某公能稱說

祖宗朝事甚詳每指問左右不呼先太傅名謨又以病請解任補謨缺者

上問久不見范承謨此爲誰閣臣奏以病此補其缺者

上曰果病耶劇耶病痊尚起用閣臣奏病痊卽補

上首肯至再恭逢 親政臣以學士得侍從 廷推浙撫

列謨名

上曰浙東南要地爲國計民生承謨可臣受 命悚惶力

微德薄早潦頻仍蟲疫疊降三歲內勘荒拯災請蠲請

賑免徵改折凡爲民請命之疏雖部議中格奉 旨必

令再議或徑得 旨如所請行久之舊疾新疾屢體交

攻又以病請奉 旨准馳驛回京調理維時兵民商賈

負販之徒擊登聞鼓叩 闕乞留者數月如在荷枷勞

臣未收 成命其後以輿情從提臣請不准繼告留浙

年餘力疾撫事康熙十二年壬子會推入閩總督故事

降級未開復者例不列 特簡破格是年十月二十五

日邸報至重感氣逆症時減時發力辭未允異得親顯

病狀請 陛見報可 召對首詢江浙生民疾苦暨一

路閭閻風景條奏無隱次卽殷殷 問病 遣御醫就

宅診視方 賜秘府藥 頒尚方希有也值薦舉一案  
撫拾者以人材失真具疏自認罪研究無瑕乃寢夫曾  
子大賢也其母賢母也三聞殺人之言投杼而走賢非  
曾子信者又未必如曾母之信其子實賴遭逢  
聖明洞鑒心跡微臣清白忠正屢向左右言之矣 京察  
內外三品已上得自陳又以病請察典 命下仍令速  
赴新任御醫奏少痊臣感知已之

主遭人言蒙疑謗而不加斥逐彌隆任用安忍以軀命爲  
念偷息衽席避難海疆 陛辭舉撤藩爲問奏曰撤之

甚當不可驟其時部臣已就道

上曰聞中海氛未靖民困已極爲天下繁劇地惟卿廉能

素著爲天下最故特倚任乃 賜御衣 賜內廐良馬

鞍轡 命近侍就大廷宣前 有旨溫語曰此朕時刻

所御之服解之衣卿如見朕也次日 賜宴就道許國

以身不遑將母矣抵山東界宿羊流店相傳折臂三公

處其夜 賜馬歎息良久恐馳驅天末之匪吉踰浙

抵仙霞層巒疊嶂瘴霧迷漫中藏猛獸毒蛇磨牙張舌

擇人而噬至浦險灘怪石奔流急瀉崎嶇甚於蜀道變

幻疑於鬼穴周爰咨諏不覺失聲大呼曰閩事之廢弛者非一日也羣心之不堪問者非一事也大計軍政文武勸懲之道存焉此方有廉能循吏智勇干城而使之淪落一官淹蹇功名金錢不輦其室薦隲罕列其名是廉吏勇將之心不堪問矣黜幽糾慝么麼充數而貪酷方面悍婪巨鎮日惟苞苴是營安享富貴是握樞者與敗檢之心不堪問矣學校考取干情鬻賄而寒窓理頭之彥百無一是奇才異能之士心不堪問矣沿海苦兵二十餘年有司加耗重徵敲骨吸髓而蠲免之實惠不

及蠹役訟惡之魚肉彌甚是父老子弟之心不堪問矣兵卒荷戈守山戍河負嶠則有虎豹窺伺則有鯨鯢藉其死力以爭此土而錢糧欠至半年庫銀缺額百萬餘兩協餉久不至是呼庚呼癸之兵心更不堪問矣嗟乎半壁一綫雖智如良平勇如賁舍亦難展足措手而况蕭牆之禍已成哉癸丑冬部臣入境奉旨藩下左右鎮歸并地方官及與撫提會議分防量撥一二營暫住徐令遣行不致惶惑掌兵者始應之而中撓焉必圖盡遣得渙散之軍心舉之使附密語不聽日趣行告以少

俟浙餉至補足舊欠預給兩月庶途次戍所無他慮急  
之倉卒變生亦不聽趣日急兵心洶洶矣方旗逆蠢動  
風聞煽沸而停止撤回之差費 命星至彼得復縮兵  
符矣繕甲練兵秣馬稱干比戈反形見矣不幸不得一  
同心同力者而罹於難也必矣然終不以時艱勢蹙而  
不急急救拾人心以補苴救漏也條奏請速展界者安  
民也請撥現在協餉者安兵也請將綠旗官兵裁去原  
額補足者實營伍也請免緝投誠逃弁許投到宥罪安  
插本處者清山脈海澨也題補城守副將沿海勞弁敘

功苦而邀不次令彼感激報效也報巡歷邊海形勢起  
行日期者爲欲置身外郡便調禦防範也頒刊示而准  
採捕活溝瘠也弭盜賊而聯保甲者儲鄉勇也寬林簡  
修而招吳成者一安投誠一散島衆也天若假以時日  
獲奉 俞旨諸能就緒滇銳稍挫閩勢漸孤則逆謀不  
熾自戢天平乎天乎何竟使承謨五月如寄一事無成乎  
當逆疾病居喪必親弔慰乘間輒諷喻大義西席嵇子  
畱山心竊慮之曰昔魏文貞公有言寧爲良臣毋爲忠  
臣神龍見尾不見首公其慎之舊弁王天祐等亦曰連

日之會輕蹈不測左右多戒心公談笑自如如入無人之境竊以撫提未可與心語咸應之曰吾非昧此也寄孤危之身處艱難之際當訛謗之秋惟示以誠使小人無能乘其隙緩彼之疑濟我之事死生禍福誠不自計既委身事主則父母之身卽君之身有死而已夫豈不知徒死無益而事勢至此舉動牽制上下左右皆彼腹心雖閉門築壘其能免耶嵇子雷山等嘆息退閩安福省門戶也將帶兵弁數十人往閩形勢督營將佐皆以帳房什物弓箭器械錢糧不給朽壞未整爲辭逆卽遣

官來言邇日訛言少息遠出恐復驚疑撫軍卽來力阻咸應之曰行不過一視海口非長往既止卽罷靖藩祖孫父子兄弟叔姪受恩異常今加親藩與公久在封疆乃心王室社稷蒼生之福也語竟退而鬱鬱不能釋一士進曰公旣不得閩海援滇事震楚設備隣封出省會扼上流此一策也謨曰計過矣過矣楚閩間隔西江風馬牛不相及無論輕舉貽笑且啓釁端招奇禍予不見閩安未果之行乎約携兵弁尚支吾未備今往據上流誰與爲徒况彼逆節欲發他日反得藉口爲我所

迫激變軍心風聞者糾彈於前按罪者細苛於後合族  
無噍類累世忠貞一旦掃地子不見長沙撫軍之棄封  
疆乎負輕去失守之罪招激變隕滅之殃身名俱喪吾  
不爲也越數日爲康熙十三年甲寅三月十五日昧爽  
逆員詣院謂王守制數月未嘗清理軍務今海上乘滇  
南多故窺伺生心王新奉固守地方勅命不敢以私  
情廢公事願與公會商爲護內防外策未釋喪服未便  
就教乞命駕撫軍卽來邀往是日陰雲慘淡愁霧迷漫  
冥冥漠漠太陽無光入逆巢廊廡殺氣不可以目已陷

虎口挺身而入慷慨仰天厲聲正辭怒趣縛有誤持劉  
臂逆帥急叱誤者嗚呼痛哉君親倫理滅絕已盡張口  
切齒激速一死而不得則以不食死逆羅列飲食揮之  
去舌敝唇裂齧肉俱腐聞者瞋目怒視而又恐致死夜  
燃庭燎前後設炬環視層層縲綫肢體拘攣凡八日氣  
漸微聲漸細一息尚淹罵不絕口閱二日微者漸壯細  
者漸宏聞者回瞋反以爲異嗚呼痛哉豈臣當死於刀  
鋸鼎鑊而不當死於餓哉神魂恍惚常有所見近而

祖章皇帝式臨先太傅侍立遠而

太宗

又皇帝暨先高祖大司馬公幼穉所未經事者音容笑  
貌夢若親承 慈旨殷勤嘉言慰諭豈臣思念結聚而  
爲形哉抑天錫 神聖默恤臣之堅貞憔悴哉計七百  
餘日舊時衣冠徂寒徂暑蟣蝨蚊蠅恣其攢噬逆時遣  
問狀日迫粥食沾唇不得死守者見謨多方慰解百折  
不回因爲謨言惟難時事署中賓客戚友僮僕被執勘  
訊桎梏窘辱各以忠義自勵不爲少挫而二三婦女從  
容就義相聚投繯嗚呼痛哉閨之享高官擁厚祿者不  
爲不多矣仕於時者不爲不盛矣閨門榮諾之婦不爲

不光且耀矣而望風 妻孥活軀命蠅集蟻附隅  
謨賓客戚友身未拖 未沾升斗之祿感謨  
一人之意尚能念君 以身殉孤臣囚繫三年  
如 健兒奔走之徒巾幗城獲之鄙皆知寸心  
不二見危授命臣雖藉手以報 恥而識闇力窮  
貽禍波累萬死又奚贖重垣局壁中燒桴存煤畫字墻  
上前後 四十首攻刺太毒左右輒刮去僅存若  
干敘以文尾者知謨 不幸求死不易  
云 有紅螺寺 辨行者殛贈武彘山人賦跋曰



山人許楚鼎其名聞泰寧人春官某孤臣承謨是也他  
日世不之知矣子持此手書出噫噫濟陽之裔兮子若孫  
視此片紙隻字兮須知爲死血將盡之流痕 武彘  
子不避禍患扶臣於難 是二歲此賦贈授寸管和淚濡  
墨非煤非桴罵賊語 三年傳卒之旨或曰賊殺而沉  
於江 骨碎而滅之八至是乃得死公所愛西席嵇  
畱山春泰仁錢塘 弟子真管 金山感公義不屈  
同日俱殺妾蘓字瑤青年十七江常熟人解佩先畱  
山自經傳 所 下 云 自 署 親 戚 婦 女 僮

不光且耀矣而望風稽顙保妻子活軀命蠅集蟻附蠟  
謨賓客戚友身未拖朱紫之榮口未沾升斗之祿感謨  
一人之意尙能念君父重名節皆以身殉孤臣囚繫三  
年如同一日卽健兒奔走之徒巾幗滅獲之鄙亦知寸  
心不二見危授命臣雖藉手以報稍維廉恥而勢窮力  
竭貽禍波累萬死又奚贖重垣局壁中燒桴存煤畫字  
牆上前後凡得詩三四十首攻擊太毒左右輒刮去僅  
存若干自序以文見者知謨遭時不幸與求死不易云  
爾此序傳後又傳有紅螺寺巨辦行者好贈武彘山人

賦山人許姓其名聞泰寧人卽許校尉相扶於難亦  
三歲行者殍先生自謂也卒之日或曰賊弑而沉於江  
或曰骨碎而灰之蓋至是乃得死先所愛西席稽留山  
名永仁錢塘博士弟子貝世籍錫山感忠義不屈同日  
俱被殺留山妻蘇字瑞青年十七江南常熟人取佩帶  
面留山自經傳埋四所屋北冬青樹下云闔署親戚婦  
女僮僕視死如歸亦得死所姓名恨不傳公罵賊語多  
恨不傳傳蒙谷序志槩也聞有弟同死逸其名

古愚子彭鵬曰鵬初讀蒙谷序訝以哭之繼以傳皆

丁巳木蘭稿其後滇黔悉平追褒封疆死節諸臣

天子特贈公太子少保兵部尚書得謚忠貞前傳改稱

謚重易名也公靖節於閩閩人專祠祀公於道山又  
請於專祠春秋永行官祭禮乙亥五月撫軍卞公代  
題部覆奉旨如所請八月

御書忠義流芳四字 賜額公祠千秋瞻仰彼偷生附逆  
者滔滔安在哉

甲寅殉難溫處觀察陳忠毅傳

乙亥河津稿

誥贈通議大夫通政使陳公丹赤字獻之別號真亭一  
號津城 本朝辛卯科八閩鄉薦士也先李蜀之渝州  
以卓異薦授比部廣東司主政遷陝西司員外郎再遷  
駕部尚書郎以賢能 簡命分巡溫處駐節東甌甲寅  
逆藩踞閩溫守帥納叛公以奉政大夫分巡浙江溫處  
地方按察司僉事死之

天子嘉公死節以故得 贈公閩侯官籍閩藩變亂脅從  
一 依附者不勝指震隣及浙公以署浙臬代 覲三月聞

變裂毗髮上指曰東甌爲浙東門戶吾封疆吏也吾不  
捍封疆誰爲捍者兼程趣行行至維揚聞溫處動搖海  
上多盜卽乘舢艫三晝夜至嘉禾夜駕一葉遄飛抵武  
林謁撫軍亟白馳去四月入東甌東甌將帥以僉事閩  
人也歸必同心甚喜比見練鄉壯修城櫓備糗糧又甚  
忌或語公家在閩保無他慮公曰封疆之臣守死封疆  
吾義與此城存亾他何恤也當是時平陽叛弁司定猷  
以城降寇攻瑞安急公遣吏密告兩臺謂平陽叛矣東  
甌領兵援瑞安者殊無鬪志同城將帥之心舉不可問

大師不速救丹赤報國惟一死耳五月二十七日援瑞  
安副將某撤兵歸人情洶洶公獨居城上以忠義激勸  
父老子弟皆垂涕願爲賈勇六月朔鎮帥陳兵溫城大  
觀亭露刃交戟請公計事巡捕守備姚某跪勸勿往公  
從容攬轡慷慨勞軍軍中有言降者佯弗聞勉以大義  
副將某厲聲兵乏餉匱誰戰誰守不降何待公正色而  
語曰提軍渡江前鋒已集現合城守援勦可五六千人  
民樂爲用何云無兵糧餉給至六月今遠近鄉民粟米  
一盡輓入城何患無餉爭辯甚力專闢知不可奪目語左

右左右斧公臂臂裂呼君父聲徹九天臣丹赤事畢矣  
永嘉宰馬璿躍而起曰 國家豢養若輩一旦弑封疆  
大吏開門延賊吾耻與若俱生罵不絕口同被殺暴屍  
三日國人歛之永嘉秦人也亂時道阻國人先設櫃賻  
公歸閩公分巡未數月國人感公以公死封疆故也初  
文學公期燧生二子長口丹蓋字獻之次卽公同舉辛  
卯公年甚少戊戌闈牘出太史秦克繩房獲而復乙始  
就銓銓試第一授司李李蜀時蜀地初闢川東尙爲十  
三家竊踞三省會勦以李官署重夔二郡篆招順除逆

侯邑殉難明府劉金谿傳

甲戌燕臺稿

甲寅閩變同日死節者三人侯官明府金谿劉天疇先  
生其一也先生諱嘉猷字憲明宋釋褐劉堯夫裔世居  
金谿玉田里後徙容坊父友山生明府最晚幼時父甚  
喜負貌瞿神王氣象嶽立不可狎前明庚午科鄉薦士  
本朝署興國教諭補署新建以明道正誼爲學爲教兩  
邑士多化之秩滿宰侯官逢大中丞范公攬轡澄清明  
府廉能行其所學愜中丞意未數月而撤藩 命下旦  
夕隱憂度其必叛先語家人以閩難將作我宰茲土也

義不可以汚甲寅三月亂果作逆給文武赴藩府計事  
自大中丞以下咸往明府從而後入見鋒刃交戟脅大  
中丞降中丞先以大義昌言次陳順逆禍福逆弗聽勒  
降大中丞罵不絕口逆黨縛而去明府階下厲聲曰范  
中丞國家重臣素負清望豈肯從爾反若輩敢無禮逆  
黨叱之聲色益厲聲震階上知福州府事王太守之儀  
同知建寧府事喻二守三畏忠義激烈罵賊皆不屈階  
上怒喝武士殺此三人衆股慄明府挺然髮指眦裂憤  
猛戟手有搏擊勢芒刃亟下王太守喻二守齊殉於難

三忠屍出逆府衆咸低首國人憐之有志者壯之妻子  
羈閩三年丙辰九月

和碩康親王收復閩疆閩亂平褒忠節計口授食令其  
子扶柩歸金谿合疏題恤先生得 贈福建按察司僉  
事廕一子入監讀書至是而同時附僞偷生者愧且悔  
康熙二十年 遣官諭祭曰烈士成仁齋志而歿忠臣  
報國捐軀以從爾劉嘉猷矢志忠貞服官敬慎值逆賊  
之起變勵臣節而彌堅臨難捨生甘心隕命朕用悼焉  
特頒祭葬以慰幽魂爾如有知尚克歆饗方庚午同邑

同榜有王公士和爲延平守有曾公淳化爲六合令前朝身殉城社金谿是科得人爲盛明府於四十五年後慷慨就義殺身成仁雖先後各殊而死於官守一也明府有子四伯斯大仲斯茂叔斯集淳朴不樂仕奉其母命讓季斯蕃入監讀書初授河南西平尹時吾在京師絕不與選人接季知之乃以金谿劉公子謁自言無他但乞先人一傳幸矣傳吾志也吾嘗賦哭三君子行矣王太守喻二守以弗得家狀未及傳有福州守千總廖君有功見逆殺忠義發憤大呼同被殺烈士也後

二十年甲戌山西小石營守戎劉進士職以牘道其事籍貫未詳先附識

秉鄂祖伯冕父喬林三世有隱德子孫爲忠臣其名皆可傳

古愚子曰此一進士也視死如歸可以傳矣若夫苦節縈身而不傳者或有之莫謂閭無人也



甲寅死節進士葉貞夫傳

己未木蘭稿

葉有挺字貞夫別號果菴岡建寧府壽寧人順治丁酉八閩鄉薦士登康熙庚戌科進士榜貞夫動履多落落釋褐後徒步南歸亦異人也甲寅耿靖忠以閩叛偽檄郡邑在籍縉紳與甲乙明經坐名勒限起送又令地方官各舉所知貞夫耻之竄入南昌界中傳者謂已死其母使人訪之次年貞夫思母從間道歸寧偽縣令聞之持檄趣赴召貞夫告其母曰兒登進士科思有以報君父今以進士致偽檄之趣也是得一進士而反爲從逆

之資兒死不赴如有母何其母曰兒勉之忠孝不能兩  
全然吾聞立身揚名以顯父母今正見立身之日老婦  
又何憾貞夫乃抱母大號卽與母訣易服潛踪走匿山  
寺中寺僧知爲葉進士也拒以意貞夫仰天喟然曰有  
挺豈以儒者七尺軀苟延旦夕爲釋氏恐怖又豈以身  
死蕭寺貽主僧禍患夜起北向九叩頭南向望母再叩  
出走山下白經於古木其母聞之曰兒得死所矣亂平  
無有以進士死節聞於朝褒贈皆不及貞夫治禮經  
丁酉庚戌薦之者不知爲誰本房稱得士云貞夫曾祖

甲寅拒僞閩孝廉劉秋水傳

丁巳白雲刻本

閩人無山彭鵬慨然曰劉孝廉閩人生同里莆籍名渭  
龍字載公別號秋水少名秉禮字習周其父海寧參軍  
貞起公元熙多隱德配林太君賢副室以林生二子伯  
震龍宰江南繁昌首廉秋水仲也後伯氏二十歲而生  
時父弟元烈尉行唐卒於尉婦取螟爲己子宗老僉請  
仲嗣父謂能從宗老請則幸不爾骨肉訟起何忍也婦  
外戚要以賂棄螟立仲固謝無何螟殤嗣父弟者乃惟  
仲子仲爲人後且出自庶能事林太君以孝聞十歲卽

魁梧師同懷兄謹奉敬年十七興安郡守胡公允貢季  
試幕中名士何許人得仲卷拔第一晉謁郡守目爲奇  
男子歲試童子科復第一試五覆覆必唱名入郡守目  
送至門至坐生定然後他唱戊子年十八山寇環郡城  
城陷遷策遇寇執扁之幽室輸金賊壯其貌不加箠郡  
守陰使人至賊營謀言幽某室從某道入會寇山海自  
噬弱者板營遁仲恐爲他寇所得破壁隨而遁郡守乘  
間請從山寇擊弱者率數十騎搗賊營由某道人室虛  
無人勅麾下精騎窮追與得脫所向殺戮百數十人追

及海岸大呼秉禮秉禮賊前船去岸遠仲聞聲不敢正  
視郡守射殺近岸數十人悉應弦倒前船及島寇曰此  
少年者君子人也義滅其輪後放歸胡郡守爲泣言前  
事七月師至郡守被逮榕城緹騎欲搏送不越境北面  
長跪哭諸野胡郡守叱曰止止勉矣八月補邑弟子員  
偕伯兄入閩闈歸語乙卯鄭孝廉震開口渭龍所見牘  
多矣無如同懷兄必售榜發果售孝廉貽以書曰吾婿  
天才敏妙以出匣之芙蓉不爽則鑑善鑑人者必售心  
喜負之年二十交日廣渾厚不甚峻後與朱雪厓游建

士最友善善觀摩溫陵黃褐公琮司教莆陽崇文行最  
器之御史臺監司以文字知之者輒超等僅識其名謝  
學使者守令知一揖而已嘗與同學論文先正心心正  
則言醇又以必讀奇書交奇人爲快又善學易詞寡臨  
大義則又侃侃敢言無或屈丙午舉於鄉年三十六丁  
未三十七始與同里無山子彭鵬定交是歲朱雪厓翰  
春成進士仲下第邂逅偕無山宿無多語仲遽起曰吾  
今得若矣曩吾里中人見若落落難合多口呿吾望見  
若且引避吾里中人何知若吾友也吾年以長自是登

堂拜父母各稱子云已酉游建士標領闕薦庚戌年四  
十羣困於逆旅題復棟選操觚與試者七百四十三人  
司勲山陰朱君禹錫擊節仲卷以示南宮開之宋公文  
運大欣賞拔第五癸丑年四十二復下第永嘉王又典  
夫子以李官補平陵令偕仲謁一見如舊五月七日仲  
誕永嘉載酒城上文昌閣上壽因語鵬曰若真而友也  
自丁未迄癸丑出必偕遇事必與無山畫非所畫必阻  
阻而仲行必悔悔必自咎每爲無山言此生二大恨生  
母喪時以嫡降禮涓龍幼不及知胡公臨刑不能白諸

母兄伏尸哭極哀言畢輒嗚咽欲絕甲寅春將之粵顧  
林太君老弗忍行三月太君病旦夕侍湯藥不交睫太  
君殂號泣如孺子設之粵終天又一恨矣禮爲人後者  
本生則殺服以丁嫡母艱守制避閩亂也四月朔僞檄  
徵諸孝廉仲伏苦裂裳作字示無山曰不孝虛有其表  
恐不獲脫則惟衰經不祥可免矣如中我者以出嗣摘  
發不孝禍無日矣人言草莽非食祿受恩比也何自苦  
然青巖唐布衣耳王蠲處士也七十二城一書生豈盡  
人臣乎我等貢於鄉則稱臣授邑衙則稱臣名義至重

有死而已大弟知我者瀝血書此無山執書大笑曰是  
嘗與我濟河河水奔沸舟沒而躍者日至三錯愕泣下  
予了無動容是怯者茲何壯旣而思曰仲嘗言吾十九  
絃斷誓無續不忍以繼室生子有前母後妻名喪過小  
祥侍婢豔服入吾數而責之汝媵也鄭汝主也汝易服  
負主笞遣去夫達道首君臣又次夫婦深於情者果不  
苟於義微世亂吾幾失仲矣七月僞檄至郡坐名召薦  
紳孝廉仲大震怖麻衣徒跣告郡邑吏淚如雨吏感其  
哀詳曰丁內艱是月無山絕粒矣嗣而駁內艱者窮出

嗣與否凡數駁幾敗族人鄰人互爲庇仲旣得脫晨夕  
惟餓夫與處粗服亂頭混雜市井間游孝廉佯以瘋吏  
日趣進士朱雪厓被趣亟焚右股毒藥攻潰肉腐殆見  
骨臥危樓厭影避形唯仲至則潛啓南牖對坐默然無  
山餓且死魂游太虛每死累日夜乃甦仲或哭或默竚  
立無倦容當是時郡邑吏持牒急聲殿雷仲引而入示  
之曰髑髏也又何求郡邑吏屢謂仲言信歲乙卯秋七  
月僞樞密以僞令諭下僞曹院曰亟需才召而不前者  
令無赦僞院移僞吏曹曰趣使前僞曹移僞司曰已行

鎮興江右軍矣召而不前者無赦下至府府帖以軍令  
牌爲封刃弁與隸猙獰若搏噬然秋水乞前吏如詳吏  
曰乃公衰經彼非不知而坐名欲乃公之墨經也若如  
詳吾屬休矣乃公禍不測以告無山計安出無山曰迫  
矣今郡邑且不得專况吏乎試以狀額藩司惟哀痛果  
批郡郡守善爲詳詳入乃免狀與詳鈐連僞司印行郡  
知炤給之曰請歸以示趣者藏諸家十一月無山作乞  
食文題曰序過陽朔律繫淒辰閩中乞者彭鵬伏枕疏  
疏示仲仲曰播問東郭蚤起動塵嬉笑怒罵得毋甚但

以乞乞得粟勸作醑取息易米哀動四隣仲教之也久之林太君除服仲復震怖聞吾軍叩關大喜傳者妄言玉與石林仲遇月朔未曙必持瓣香上郡城隍先祝郡人家次祝無山家次家丙辰十月海寇入郡倉皇恐迫擬與同邑辛丑進士程碧洲甲化孝廉游建士間道走福州顧無山偃臥惟肋節弗忍行無山謂仲曰吾蟣蝨也破床擁絮賊見且却走仲狀貌非常人宜早去仲卽扶挈無山老父一復幼子阿永偕逃然後辭去辭而復入者九乃走洋谷露眠草食六七日潛歸曰如無山何

去四五日又歸或三四日歸晝伏夜行輒百里許十一月四日潛語無山吾去矣去五日歸視汝及期歸歸則病發十九日劇無山夜令葉童子伺左右聽何語終夕微聒童子無他囑平明童子涕泣沾襟以告晨卒於家年僅四十六議者傷善不獲報疑胡郡守爲仲故多殺戮仲是以不永年先十日無山晝寢見一騎在門仲辭騎去至是卒或曰帝召之矣是長吉之虬也卒之日天地閉塞無山嗒焉自謂曰仲乎仲乎死別亦大矣宜就哭念自甲寅夏五得仲書吾誓不下床屏絕人面今昇

吾往則下床矣人面吾何堪顧吾於仲蓋棺弗別忍也  
勅家人扶起破柴桑半板以被蒙首覓隣嫗昇去入室  
嫗委諸地臥半板哭不成聲仰視仲仲面猶生取舊時  
衣殮乃瞑既三日成服無山爲仲服葭板屏又昇去無  
冠無履臥蓋齊衰衣哭之輓云三年爲弟淚成冰餓骨  
未甦何意昇來還送汝十載事兄腸比雪微軀後死不  
煩遺囑視猶兒客皆出涕問旌旌以閩丙午孝廉秋水  
烈先生柩後有知者曰此三晉虞鄉馬公淑援以昭武  
宰官分校閩闈所薦閩士者也丁巳二月閩亂大定無

山臥三年倏起其友朱雪崖慟秋水甚乃輓秋水歌曰  
浮雲慘澹白日暮寂寂空江無人渡鷓鴣啼急斷斜陽  
荒草連天迷歸路何人得意騁康莊獨我與君嘗窘步  
短髮相看祇白憐寸心不欲忘新故東隣少婦畫黛眉  
西隣少婦鬪腰肢謂爾何爲獨蓬首不妬冶容偏妬醜  
君聞此言始驚愕過我柴門數日惡妾心何曾畏風波  
妾命雖薄行不薄憶君昔向南山歸淋鈴墮幘泥滿衣  
雙趺已露麻鞋破風雨踰眼來欵屏更憶嚴冬寒水結  
敝廬曲巷隔深轍君來呵凍坐梅花朔風驅雲滿天雪



同志兄弟誰最豪無山絕粒臥蓬蒿有時蝴蝶夢栩栩  
與君相對憂心切我昔剝膚斷肋節君至無言只嗚咽  
強隨緹騎吊無諸攜手河梁成永訣迨我放逐得生還  
感君幽歎視君顏乍見相悲疑夢寐憂子未已憂無山  
東甌信至羣心喜計日計程頻屈指君惑流言玉石然  
杖策入山自此始君來惠我賦同行我獨謂君何爲爾  
君歸臥病我在旁侍君十日竟不起嗚呼人生生死亦  
何常達人等之豈異視吾與無山奚所恨恨君死時天  
地否今日山川霽色開狐鼠潛踪闕草萊知君不負生

前志莫將憂恨恫泉臺世上紛紛徒白首衰顏雖駐骨  
已朽殤非爲天鏗非壽我曩聞之漆園叟嗟君平生忠  
孝姿君親大義確不移報國文章埋荒塚千秋大業付  
令兒在天星辰猶未歿自照丹心與白骨我作長詞哭  
秋水茫茫宇宙斯人死

林鐵山曰天地間未有之名傳無山歎造之未有  
之交情無山歎開之兩立於所絕遂爲千古單行  
奇人奇事奇文鐵山下拜矣

死節福州城守千總廖雲山傳

古愚子彭鵬曰甲寅靖南耿逆以閩叛僞稱制封疆大臣死節拒僞者總督范忠貞尚矣同日死節文臣止三人王公之儀以福州府知府死喻公三畏以建寧府同知死劉公嘉猷以侯官縣知縣死繼此則嬰城死於福寧鎮者總兵吳公萬福也闔門死於漳州者巡海道陳公啓泰也繫組死於不赴召者龍溪縣知縣李公墳也武臣而以千總死者獨廖公廖公名有功別號雲山潦東廣寧衛籍

本朝定鼎從廣寧入關順治三年從 貝勒王平閩遂留  
閩凡二十八年僅得一福州城守營千總數奇常鬱鬱  
范忠貞總制八閩甫三月甲寅暮春之望逆藩佯召文  
武諸僚撫臣躬詣制府請同往公知難已發以城守營  
千總橐鞬從仰天而嘆曰往必不免有功以身殉得死  
所矣所以愧高爵厚祿而懷二心者是日陰霾黯昏隨  
制府後將入門門者呵之公目眦如炬橫視門者門者  
辟易公入而甫立砲響賊徒執制府罵賊震天地左右  
縛制府去公大呼曰城守千總廖有功以微弁不忍負

君父王世受 國恩加至親藩 國家何負於王而王  
忍此左右叱公公拔佩刀手刃叱者一人鋒芒所向倉  
卒莫敢攖連殺十數人合圍交戮力竭而死同日死者  
三人奔公而四賊憚公忠義能爲厲不敢暴其屍得蓋  
棺康熙十五年丙辰九月 康親王南征叩仙霞關下  
建州延津勢如釜魚始乞降大師臨榕城前此殉難文  
武臣子弟匍請 親王帳下咸加禮十七年丁巳督撫  
合疏會題

天子廉廖千總名十九年庚申

天子念閩變死節諸臣給公優卹白金百五十廕子一以  
衛千總用公有子三人長騰煌次騰煒三騰燦長方弱  
冠從征以軍功授建寧鎮左營秩滿赴樞部材技稱竄  
授清漳守戎次襲父廕得浙江海寧右衛千總三十五  
年丙子卞大中丞撫閩表忠勵節請建祠西湖春秋致  
祀公與享不愧諸子皆有儒將風能自樹立顯揚家聲  
余及門甲戌進士海鹽曹辰容先爲立傳遠近士大夫  
和之賦詩投贈自此燕趙吳越無不知有死節千總廖  
雲山嗟乎人生自古誰無死死有輕於鴻毛有重於泰

山者其在斯人夫

張登封傳

乙亥河渚稿

張君壘字牖如江南長洲人出宰中州登封五年登封人家家祀其位飲食必先祝去之日登封人留其衣剗藏於中嶽歲歲逢春昇出遊尊若神明卒之日登封人請其衣剗塋於嶽旁歲歲春秋以時享親若祖考又先於四鄉各建祠堂東在潁陽潁考叔書院之左西在唐徵君盧鴻乙故里北在唐莊中在嶽廟之左立像惟肖以故中州在在稱登封張公云初君宰登封鄉衰歇太史逸菴介睢陽湯太史潛菴斌上蔡進士張仲誠沐

柘城太史實靜菴克勤方爲孝廉皆以講明孔孟正學  
程朱正宗相切摩君筮仕甫五月卽修登封學宮與多  
士討論經義有發明孔門言仁之旨者君進多士而教  
之曰天地生物之心曰元人得天地生物之心曰仁天  
以一元之氣運行於上而萬物無不發生長育吾人惻  
隱之心擴而充之而萬物之各遂其生各復其性取諸  
懷而予之矣君宰登封本此登封古嵩陽地嵩陽舊有  
書院宋時天下四大書院之一歲久廢圯構堂講學自  
耿太史始君實竟之上蔡張仲誠謂使君歸美于太史

太史讓賢於使君交相讓也說在張上蔡嵩陽書院講  
學紀事中君起家由博士弟子員少時彬社劍鋒集名  
最噪屢試南北闈不售以明經應八旗官學教習分教  
鑲藍旗從學者多成材官學程滿銓試上卷得邑銜戊  
午除登封己未三月之官騎驢過宿邯鄲與登封吏同  
肆吏旅客視之至登三日拜嶽誓諸嶽嶽誓誓不取一  
錢不在一人之謂也中州重私派火耗風矣君衙前豎  
巨石鐫奉 旨永除私派天監在茲又設櫃城隍廟民  
自封投絲毫不許羨折封叩神西向坐折畢封櫃三揖

出著勸民俗語導民以孝弟教以忠信勸以勤儉自窮  
谷深山婦人童子無不知有張公其治尚德緩刑杖以  
八爲十記其數月晦告諸天民有祖父列宮墻與筑獨  
無告者非大過不加刑訟者折以片言不罰贖輕生圖  
賴者取供立案不坐君教化大行道不拾遺邑民申爾  
瑞王進寶魏光大秦瓚皆能還金君暇則單車巡行隴  
畝間課農桑詣鄉塾視子弟正其句讀耿太史嘗謂此  
道自程張二子晉城雲巖後數百年絕響民有閭有仁  
有義有禮兄弟構訟累年君至又訟君問之故曰父母

愛偏問以引罪否皆稱無罪君呼其名顧名使自艾旣  
而悔之曰張公初政而吾儕兄弟鬩墻不已吾儕無知  
張公教我矣兄弟大號泣相率詣庭自謝曰民等知罪  
矣有娶婦高門孟氏攜子哭夫高舉塚將自經君微行  
問俗婦不知爲張公也問弗應固問婦告以凶歲姑舅  
迫嫁欲訴張公又不敢以媳訐姑舅有死而已君曰我  
卽張公也至邑免其地戶差徭歲時遣周賙婦得完節  
有晉民四人客登市綿僱登人田大年張魁升驢之楚  
年與升道鬪升立斃年遁楚隨州牧收晉客關回登封

鳩鵲無人形君閱關訊供憮然曰大年殺人在逃此四  
客何辜立釋遣歸四客臨去望登邑城門回頭百叩號  
民有郭九合將赴邑完糧夢其父言晨有虎勿赴九合  
以君麥秋遇荒緩征今義不可後徑行抵金星廟果有  
虎九合叱之曰噬我我何惜所恨違張公限耳虎垂首  
出山南自此境內無虎患傳者比諸虎渡河云有妖僧  
藥迷洛陽董生子或告董生曰中嶽廟會五方輻輳登  
封張公神明也盍往求之董生如言往君佯爲不聞密  
傳道士遇遊僧留卽報俄而道士報一僧領童子儼舍

賣藥君命掩捕傳董生果其子也童子不認君察童子  
目瞠舌橋必中魅佯叱去童子隨僧走喚童子反取井  
水噴面拍額張目熟視生曰父在此此何地徐泣述迷  
藥狀君命左右杖僧若擊木石裸而視之肌肉似鐵君  
遙謂觀者此採生折割術炙人心肝腦髓腰腎合藥鍊  
成罪當死否觀者萬口呼當死杖折其足曳出境未幾  
報斃已未三月至六月不雨君囚服鎖項自暴呼天時  
馮家溝民范奇秀景店民宗澤廣等咸見有人長二三  
尺袒身自在頂跳過山境內雨澍鄰境旱如故按南方



神異經云旱魃長二三尺似人目在頂而身袒行如風  
所見赤地卽此是歲有蟲如蠶色青首赤食禾稼輒盡  
君曰蝗可捕蟲獨不可乎爲文祭田祖驅之又懸捕蟲  
賞格數日盡滅年饑設厰食餓者移粟分賑購麥數百  
斛給窮民不責償邑南白家村有居民王心江家聞壁  
中多人語穉子十歲以下見有女羣行長尺餘高髻靚  
粧衣淡墨色拋石擲瓦移牀發篋壞器無虛夕惟封題  
完糧銀不敢動民曰此可詣我張公驅之民進狀君遣  
吏馳檄空中荅語吾褚氏移家恨主人無禮破其家卽

行原不敢犯張公吏歸報據狀叙空中語詣中嶽伏奏  
書朱檄付江甫至道家人聞空中泣語我固知張公難  
犯今奏嶽神誅我無噍類速去或免見巨鼠數十銜尾  
穿墉走君宰登祝上官壽搨嵩碑陳搏所書福壽并登  
志獻啓云邑志全編聊效華封之頌壽圖二字竊擬嵩  
高之呼千古佳話舊例有以鷹隼鵬鵬虎貉皮鹿麋鹿  
葺蜂蜜木炭茜草何首烏獻當道者悉取諸民君曰股  
下媚上吾弗爲也嵩產蘭邑宰多採蘭贈人民亦勞止  
君絕不採贈其他攝篆偃師勘災汝陽孤燈草榻裹糧

却金所至冰蘖凜然癸亥六月大中丞舉卓異陞粵西  
南寧通守君行詣嶽辭曰知登封縣事江南長洲張堽  
受事日信誓旦旦今去或可告無罪耳登封人列君治  
行興除之大者凡四十條興者曰勸農曰墾荒曰招民  
復業曰修學宮曰明倫堂講學曰書院課士置膳田曰  
立義學凡二十一處日月朔望講鄉約置善惡簿示勸  
懲曰實行保甲法曰復中嶽廟會逢春自二月朔至十  
八晝坐廟夜登陴命鄉壯同少林寺僧鎮壓不以兵盜  
賊屏息商旅如歸罷一切地鋪牙帖無名稅曰修前明

忠烈邑令閩郡公墓曰建古賢令祠自唐真定應公靖  
而下明姑蘇山公錫之嘉定侯公恭邢臺傅公梅襄陽  
劉公安行永福鄆公廷誨中部劉公禔 本朝鄉寧成  
公躍龍凡八人曰歲科童試三首拔寒素府試道試連  
冠軍景日珍今成進士除者曰首革私派火耗尚矣次  
革官署行戶次革邑南產鐵鑄犁私稅次革盧店機戶  
織帕按機徵銀次革大冶里產土陶冶窰稅錢次革山  
中煤井歲輸官煤次革里長支月次革排門火夫次革  
里役坐催次革歇家擾害建東西關公所里長入城有

所棲次革鹽買牟利賂官增價歲省登民錢百二十萬  
次革流差馬騾草料次革學使者供應派民逐條勒石  
謂吾登民世世食張公德且使後之君子教養有所攷  
焉復輯軼事三十六書諸冊鏤板以行揭其大者如上  
所傳門有仁等事是也睢州聞君判南寧貽書耿太史  
曰卓異之典原以備臺諫銓衡張父母治行超絕循例  
僅晉一官何以待平等者惜之也先是睢州嘗云得如  
明府十數人參錯天下爲撫軍方岳各出所學衣被海  
內萬物吐氣耿太史嘗云內則蔚州外則北溟明府積

累功名豈在蔚州北溟下竇太史謂君富教并舉識力  
過人官上蔡張仲誠以仁知勇稱語載懷嵩堂尺牘中  
君入粵望觀舍積憂成疾乞歸南寧守趙公連城愛君  
賢固留弗從抵舍耿太史致書曰比聞孝思縈懷辭職  
養親登封人無不懸切書院藏書樓成絃誦徹山谷掃  
榻設函席共訂千秋大業趣命駕乙丑十月君得書赴  
嵩是冬登封人遮道昇輿爭昇歸以先得供養旦夕爲  
幸君感其誼歸築懷嵩草堂於虎丘之麓家居孺慕承  
歡凡六年庚午太孺人卒登封人赴弔趾錯足重繭旣

除服太翁引大義趣之仕壬申耿太史遣公子子京奉書及邑賢焦錫三欽寵等公牘迎君適太史竇靜菴過吳門邀君同子京行臘月至登登封人爭先扳迎如曩時君始幡然辛酉由登入都補官甲戌之秋中州有治中缺出輿情引領君以病逝矣中州士大夫在京師者咸至君所寓蕭寺設位以祭道及遺愛無不泣下沾襟檢君圖書有手卷寫重遊嵩少圖耿逸菴竇靜菴焦錫三與新太史冉永光覲祖皆在尺幅牟陽冉太史跋云予應逸菴先生命主嵩陽書院知書院襄事張公力爲

多又聆父老話去思張公循良三先生賢者圖中人固予所樂爲把臂也君爲賢士大夫所推重是時蕭寺主旅祭者竇靜菴見閩人古愚子彭鵬祭詞數千言至夫撫絃重整抱器再彈幸霧豹之藏身同神龍之見首感慨係之矣乃作書示古愚曰君之出也太翁欲其子以登封之治治天下興趣相引覺天下無地非登封無人非登封也勃勃不能以已克勤祭章力闡此意舍吾古愚未盡知稿錄印正聞君易簀時語其友長洲宋聲求駿業云壤不違親命而出今南北各天末由面訣知我

者謂我爲捧檄之少節不知我者謂我爲絕裾之太真  
悠悠蒼天此恨曷極言訖而終計至中州登封人比戶  
罷春持香楮走哭於張公四祠匍匐叩首如張太孺人  
會塋時君昔重遊嵩少紀畧謂風俗惇龐淳厚果然

先考妣合塋壙誌

壬戌木蘭稿

先考諱汝栢字伯梁別號一復行五考父曰後從諱憲  
安官廣東陽山令後翁父曰從野諱文質官揭陽令由  
戶部出守桂林任廣西左叅贈兵部左侍郎從翁父曰  
定軒諱大治官戶部歷楊州叙州韶州守陞長蘆都運  
未任定翁父曰忍庵諱甫官戶部廣西督學湖廣觀察  
以忤璫致仕父子祖孫進士祀名宦鄉賢忍翁父曰愨  
庵諱邦彥封主政贈督學自九世祖足翁公漳江始遷  
錢塘至從野公徙郡城刺桐巷足翁公先與官保尙書

惠安公同自出詳在列祖墓誌考。生於萬曆壬寅八月二十三日子時卒於皇清康熙己未九月二十五日亥時享年七十八。生平讀書終隱晚而逃禪。將逝自輓云：先人聯五代清名，剩得一貧咬斷萊根。還到老詰朝，與爾曹長別。悠然無相皈依蓮座了，從頭又作一偈。自和尙開示名之曰明覺。蓋再來人也。妣戴太君文學孝子應禧公女。前萬曆丙午冬仲二十八戌時生，其卒也皇清順治丙申九月哉生魄巳時年五十一。妣家塘東大戴世次不載，嗚乎痛哉。不孝瞻岵二十七年瞻岵三年。

貧無以葬，又慎所擇，久淹葬甚。今春服闋，以八閩鄉薦士應謁銓，得一邑。迴顧先考妣柩愴然，乃告皇天后土曰：停柩待吉，悔不孝愚。今隨地時宜，堯土成墳。然後東西南北，惟所使。皇天后土實聞斯言。初卜地寶勝山舊太平院後，負乙揖辛。茲以壬戌六月二十六日未時，不孝男鵬率嫡孫聖壇、男鵬率孫男聖埠、聖封聖岑暨出嗣男鴻率孫男聖增等奉先考妣靈柩歸於其室。此山距靈鷲山麓里許，中憲大夫景從公與四公子伯鄰翁佳城面焉。先考從同懷伯父同祖伯兄咫尺相過夜臺。

不寂痛憶先考臨終呼不孝前曰吾慈庵公以下甲第  
箕裘人謂穀城山得地利然吾祖父世篤忠貞在人  
在地吾爲汝父懼過前人光砥礪爲善汝母爲吾家清  
白吏子孫婦有鹿車杵曰丸熊封鮓風汝父母狷介無  
多求安厝焉足矣吾地上最不喜諛異時地下誌汝自  
撰止近誌世系誌名氏誌年月坐向餘悉不許汝誌故  
事子不忍名父爾爲吾填諱藉爾友朱雪厓壽諸石不  
孝鵬一一祇承嗚乎痛哉不孝九歲學操觚忠肝義膽  
父鑄之浩氣丹心母胎之吾父母安厝後不孝行矣當

誓告丘墓恪遵祖訓無忝我所生誌而不銘詳在行狀  
內此則不孝守先待後志也不孝男鵬泣血稽顙謹誌  
一康熙二十一年壬戌仲夏之吉

彭無山四十自撰墓誌

丙辰木蘭序

閩人彭鵬字九峯一復先生長子也甲寅七八月瀕死  
魂歸白石山遇神僧稱本師名以無山無山之生也丁  
丑孟陬二十一日六歲授書一復先生晨夕置膝上嘗  
於方春晝暝以天時將作雨五字屬對卽應聲曰地氣  
欲爲雷聞者咋舌十一歲得吳青嶽四子書制藝以問  
一復先生先生指點破題承講股法畧觀大意卽私命  
求爲可知也題成篇不由師傅十二親師後童試屢爲  
郡守中州張公彥珩所知二十試冠軍學使者構李孔



文在夫子諱自洙是歲吾母戴太君卒母爲清白吏家  
婦家貧愛子讀書及見僅此二十四庚子初應八閩省  
試以尚書中試同考永嘉王又典夫子諱錫琯以國士  
待之省試十月後期不得赴春官二十八甲辰赴不得  
入三十一丁未策論應不售三十四庚戌三十七癸丑  
制復八股不售仍再凡歷春闈五入試三不肯作俗下  
文字癸丑次年卽甲寅閩人自徵辟謬辱指名堅臥不  
下咽飲水苟全今丙辰四十臥聽人風雲變化去滅趾  
銷骨度不能生將以某月某日終於家嗚乎死卽死耳

何可誌耿耿落落性不隨時趨亦何可乞人誌念一復  
先生七十四矣吾一子聖壇丁未生甫十齡雖慧尙孩  
未知他日堊吾何所吾先自畧石曰閩孝廉儀人彭無  
山塚年月日時堊時後書世系科名載在列祖墓誌內  
不書

鳳凰山劉兄秋水偕鄭孺人合葬銘

辛未十月

無山之視秋水猶兄一死一生乃見交情臨其穴予手  
經營鳳凰山畔爲爾列祖昆季之佳城千秋忠節爾獨  
擅名

誌多用秋水傳及壬戌八閩通誌拒僞闕書閩撫  
軍僅以節行存案一段所謂藏之地下與山嶽同  
壽足矣特錄此銘出之地上憶昔年辛未給假在  
籍幸得爲吾秋水兄營兆四首十六年前柴扉昇  
視殯死別如昨封之樹之後死者自今敢不勉此

之謂心言古愚鵬識後

合祭閩變死節七忠烈公文

丁巳木蘭稿寫於天錄影語刻本

康熙十六年丁巳春王正月二十一日治下莆中舉人  
彭鵬引故友丙午舉人拒偽靖節劉渭龍神魂潛以明  
水瓣香遙祭於

皇清八閩總督范先生 巡海道陳先生 福寧鎮都督

吳先生 福州太守王先生 建寧郡二守喻先生

侯官明府劉先生 尤溪明府李先生之靈奉請 浙

溫處道三山陳先生 庚戌進士建寧葉先生主位哭  
以文曰嗚乎痛哉小子鵬伏讀前紀至宸濠之變也都

御史孫公副使許公獨能抗節就刃罵不絕口議者謂  
諸臣皆能懷忠如孫與許則平日不阿可折其謀臨事  
固死可奪其氣嗚乎痛哉九原可作如我大總督范先  
生巡海道陳先生以下諸大君子豈不孫許有光哉初  
逆之不卽殺我范先生也將致之也先生罵賊不屈肝  
胆忠義三載如一日小子鵬日夜願聞先生一死也浩  
氣歸太虛恐幽羈防禁手足拘攣求死而不得一死者  
也脫一日師入未死則苦節以生全差減矣脫奸人悔  
禍投戈又從而媒孽之且不自白今於去年九月十六

日聞碎骨於圃又聞揚骨於江戚屬賓客巾幗蒼頭前  
後死者數十人嗚乎痛哉烈矣初逆下漳南聞巡海道  
擬固守無援闔署二三十人飲藥自盡先生從容引刃  
後死嗚乎痛哉烈矣逆又攻福寧聞都督吳公嬰城固  
守不肯降賊身死家裂嗚乎痛哉烈矣初甲寅三月望  
逆佯召文武如前明宸濠叛狀王先生以郡守喻先生  
以郡二守劉先生以明府慷慨罵賊同日殺死逆第暴  
其屍嗚乎痛哉三君子烈矣聞尤溪明府先生拘執不  
受官引頸就絞曰吾李墳豈從賊者嗚乎痛哉烈矣小

子鵬恥不從其後也然而聞風涕泗剝床以膚三歲不  
覲矣茲者大師渡江寇踞郡以戰城下殺戮恐不辯魂  
魄耗散乘是日賤辰未死飲水自祭於耐岩陳几請大  
總督范先生正中一位大巡海陳先生左一位大都督  
吳先生右一位請真郡守王先生一位真二守喻公一  
位真明府劉公李公各一位各置一水一香一茶小子  
鵬微賤也又僵臥奠而請之不惟不敢亦不能聞我陳  
先生爲憲東甌殺身成仁聞葉先生遭僞召急拜母向  
北力叩頭逃於僧舍恐累僧從容縊死山下嗚乎痛哉

烈矣易曰方以類聚醜豎二先生主位一水一香一茶  
各一伏願大總督以下諸大君子太虛俯鑒飲水盡一  
觴渭龍執盃奠水奠茶香與有光焉嗚乎痛哉仕於閩  
者死節或不止七大君子然以僵臥中雙眼不見日月  
側聞凜凜者七大君子最烈云仍左設香几設一大盃  
置水置杯有似七君子者從七君子來陳先生葉先生  
揖而進之渭龍揖木奠冒是者渭龍覆盃曰主人彭鵬  
不使飲又右設香几設一大盃置水置杯祭吾大總督  
厥者友者幾何人吾大巡海戚者友者幾何人又設一

几一盂置水置杯祭范門陳門節烈巾幗又下設席祭  
羣從羣僕羣婢各飲此水鵬以頭觸床泣而號曰小子  
鵬三年飲此水敢以獻祭畢多書祭詞分置諸几案藏  
諸笥城下而殺戮也應有收吾骨者收吾書副本流行  
與滇黔楚粵忠烈衆君子共之其或不殺獲保首領而  
生異時將大合祭諸君子并詳其可信而傳者撫今吊  
古如顏平原張南陽許新安如顏書生甄布衣如前明  
孫御史許副使馬戶部黃叅議諸公咸列位而祭焉嗚  
乎痛哉小子鵬久臥不得下伏誦金剛般若一部於意

云何剛者金中精堅也剛生金中百鍊而出五金皆謂  
金凡止言金謂鐵也經言金剛乃若刀劍之有剛鐵耳  
飲水聽金剛六賊不染百鍊彌堅於意云何嗚乎痛哉  
尚饗

林鐵山曰奇忠奇烈無奇文奇筆以祭之則幽魂  
不慰且古今一大憾事有奇文奇筆而非負奇忠  
奇烈者道同志同趨向同爲之文爲之筆以祭之  
則幽魂亦不慰古今一大憾事無山三年堅臥飲  
水抗節自許幾死於餓而所以不死者天留之以

表彰諸公之奇忠奇烈而祭之者也諸公之奇忠  
奇烈得無山之奇文奇筆可以不朽矣嗟乎此世  
所以重知己也

鐵山又曰歷落傳筆叅差傳神奇妙痛快將進復  
止將去又留是千古來第一篇文字上下界僊佛  
讀之唏嘘欲絕贊歎欲絕

遙祭永嘉王又典夫子文

辛未燕臺稿

康熙三十年歲次辛未春二月日莆田受業彭鵬百拜  
稽首緘寄誓墓之文遙祭之禮俟之重陽昭告於承德  
郎禮部主客司主政前福建漳州府司李庚子科同考  
又翁王夫子封塋曰嗚呼痛哉平陵憶別滄桑變態既  
不能絳帳再從綠野歸來閩甌接壤又不能白石一至  
寢疾時既不能侍側而嘗藥易簣日又不能撫棺而淚  
血祭不及執遵塋不及執紼且并此年丹日時先不得  
知不得聞尚於此日此時冥然飲啄比及林于漢年翁

以廷試至荒署始聞訃比及家表秋謝亦潛世翁以公  
車至開函始得銘痛哉夫子夢蝶在二十五年丙寅十  
月初五日于漢尺書則丁卯之四月潛闈在二十八年  
十月表秋寸札則辛未之二月其先憑鴻藉鯉三去無  
一報嗚呼親承已矣地下片石舍小子其誰歸乃以南  
北濶絕卑鄙疎賤墓門之誌出自平陵彭萊洲編修之  
手終天抱恨悲痛咸莫贖疇昔庚子及門六人無一登  
進士榜許子再瑛戴子紹琦許子文茲張子毅先後羽  
化李子山澄老矣又註誤不得與春官試每讀譚友夏

堂祭文云衆賤可以當貴衆不肖可以當賢輒爲掩卷  
而今而後獨力負荷不大維艱哉時俗艷稱者動曰美  
庄遂使性命骨肉之誼比諸力田穫則曰沃不穫則曰  
荒志士所以羞爲伍也自筮仕至今惟以不負門牆不  
欺衾影勉而行之漸近自然使天下萬世曰此永嘉王  
又典先生之徒也猶夫閩變拒僞誓肩其難前書數百  
言終之曰使人指之謂某也某師之弟子也某也某父  
之子也某也某地之男子也是卽鵬之所以報者也彼  
世俗所謂庄者非弟子志非先生風昔之所以期弟子



者也表秋亦潛世翁南旋挑燈作此附祭金今年侯陽  
九昆季代設祭祭時代讀一遍洒洒臨風辰下鵬卽援  
例暫假計季秋回京是日旅次望空瞻拜神之格思無  
有遠邇而況義則師弟情同父子未有不式臨者也另  
緘宰洵四紀一冊渡江草一冊內附乙丑遺卷七篇皆  
先已郵寄今再裝訂陳墓下此遺卷今舊侍史誦之知  
鵬乙科二十六年四試春官而弗得成進士名者天也  
天吝以進士名而重以

天子知召見賜金畱任特簡特書大書不一書書諸國史  
雖未敢與千佛塔題記較量科名然攷綱目所載實本  
經見不欺不負夫子之門夫子之牆豈曰庄之云乎鵬  
丁未生兒家報到在潤州李署夫子歡顏是日舉酒大  
慶此兒今名聖壇制菘多別致讀書慧眼慧舌如屢試  
童子科弗利何近示以札畧云努力攻苦恢廓心胸得  
與不得曰有命出矢言老來薑桂弗改如此非敢私於  
子而薄於兄之子也悉在大兄書中幽明遠隔捉筆觀  
縷心之長矣聊將絮酒重申前誓嗚呼痛哉尚饗

This image shows a page from an antique ledger or account book. The page is off-white and features a prominent grid of vertical lines that create 12 columns of varying widths. A single horizontal line runs across the top of the grid, forming a header row. The columns are mostly empty, with a few small, dark ink marks scattered across the page, notably one near the top right and another near the bottom center. The grid is enclosed within a double-line border. The left page of the book is blank and unlined. The overall appearance is that of a well-preserved but aged historical document.



